



22245

III Mag. St. Dr.

P

Episcopus Posnaniensis


Posnaniensis Collegij Soc. Jesu: Vulnus a fabali mor-
tis asera Ecclesiae, Patriae, Familiae et Socie-
tatis Jesu in d. Petro Tarto, Ep. Pozn. inflicturn.

(1792)

PANEG. et VITAE

Polon. Fol.

№ 1455.



VULNUS

FATALI^A MORTIS

ASCIA

Ecclesiæ, Patriæ, Familiæ :

& Societatis JESU:

In

ILLUSTRISSIMO EXCELLMO

REVERENDISSIMO DOMINO

D. PETRO

COMITE a CZEKARZEWICE

TARŁO

DEI & Apostolicæ Sedis gratia
EPISCOPO POSNANIENSI

ABBATE COMMENDATARIO


Paradisiensi

INFELICTUM

&

A maestissimo Societatis JESU Collegio Posnaniensi

DEPLORATUM



POSNANIÆ

Typis Clari Collegii Societatis JESU.

(1722)

30 II. 42

GEMINA ASCIA

EXCELLENTISSIMÆ DOMUS TARŁONIÆ



*Ascia lunæ
insignita.*

Scis utrâq; manu grandem causare dolorem
Inde Tibi duplex ASCIA PRÆSUL inest.
Ex ferro, Cæloq; patet conflata Bipennis
Plena polo, terram Bina dolore ferit.

22245 III

BIBLIOTH. UNIV.
JAGELLONICÆ

DOLENTISSIMÆ

EXCELLENTISSIMÆ, ILLUSTRISSIMÆ, REVERENDISSIMÆ

COMITUM a CZEKARZEWICE

TARŁONUM

FAMILIÆ

MÆSTISSIMIS

PRINCIPIBUS, DUCIBUS, SENATORIBUS

CONSANGVINEIS

ILLUSTRISSIMIS, REVERENDISSIMIS

ADMINISTRATORI Capituloq;

ac

TOTI POSNANIENSIIUM DIÆCESI:

AFFLICTISSIMIS

AMICIS & CLIENTIBUS

In perpetuum

Affectûs: Memorix: & Doloris

MONIMENTUM

Magnum Vulnus esse debet, quod magnæ
MANUS ARMA inflixere.

Lips.

Multos oppressit Satrapas moles illa, in
qua Samson cecidit.



UNIVERSALE VULNUS



T jamne mori poteras Præfulum
Sacerrime? heu dolor! O ni-
miùm credule dolor! imponis
facile & decipis, cùm nuntias
amitti, quòd amatur. Illene
mori poterat, in quo omnia ad
immortalitatem conspirârunt? Illene? quem
Heroùm Æternitas genuisse: Beatitudo abla-
ctasse: nescia fati Virtus aluisse credebatur: il-
lene mori poterat? illene?

A

CAR-

Carmina in ipso

*Ore natant, tristesq; cadunt in verba litura
Discordesq; modos, & singulania verba
Suppeditat, maroq; rapit.*

Ille Mortalium Excellentissime obiisti, ut mortis Tuae fama fidem aurium excederet, nisi olim, cum à nobis abires, jam lachrymæ amplius non videntum prophetassent; nunc universorum Dolor, instar prodigii magnus, famam esse non falsam probet. Decipinè tam Sanctus Ecclesiarum; tam Universalis Patriæ: tam verus singulorum sensus poterit?

*Flent Magni, parvique simul vis magna doloris
Magnos, vis parvos magna doloris habet.
Hinc nullum discrimen inest: labor unius Astri
Sorte pari cunctis esse Cometa solet.*

19. Novembr.
proximè ante
Adventus fe-
rias moritur.

Proximè ante feriàs, cum perituri ruinas mundi Ecclesiã reciprocatur, Magnum Regni Columna cecidisti: O jacturæ? o ruinæ magnitudinem? Non infra totius orbis damnum Casus iste debet recenseri, nec aliter plorandus es Vir Maxime, quàm si Basis rueret, quâ terrarum moles sustentatur. Inde citra fucum (mæror enim colores non habet, niger est) citra fucum assentiri ex communi lugentium sensu cogor: fatales mundi prævivisti calendas morte tua: sic decrevere superi: ut ad universos funeris tanti luctus pertineat, & immensæ Asciæ iectus cunctos feriat.

VULNUS ECCLESIAE

Quo die ex-
tinctus, in
Breviario in-
cipit liber A-
mos.

Dilem illam, quæ extinctum PRÆSVLEM nostrum aperuit, magnus in Pastoribus Thecuvæ Pastor Prophetes Amos imbre miscuit, & quæstibus maculavit. *Luxerunt* (inquit) *Speciosa Pastorum*. O verè speciosum Ecclesiarum Pastorem! O formam Gregis, & Diæcesis pulchritudinem lacrymandam!

Nul-

Nulla Antistes vigilantissime ruga Curas Tibi Pa-
stores deformavit, nec æstus violentior obfusca-
vit. Laudaverim filios tonitruï alios, fidera to-
nantia laudaverim, quæ gemmas pariant: etiam
serenus cæli aspectus corrigit, dum exerrant via-
tores; etiam mitior fax præluceat, ad valvas ovili-
um, & manuducit: efficaciusq; influunt astra, &
inclinant, dum fulmine non turbata rutilant.
Timuit Hæresis & adoravit PETRI hujus gladium,
quamvis semivaginâ conderetur. Formidandum
ASCIA Herculem explicuit, licet ictum duntaxat
minitata.

- - - Hic majestate Serena
Jura dedit popullis, submittendoq; modeste
Fortunæ vexilla suæ, tamen hostibus atrox
Diffimulatus Honor patuit, colloq; potentum
Imposuit mansueta jugum, non languida virtus.

Tutelarîs sui conditionem secutus est, PETRI
PETRUS, Apostoli Co-Apostolus: Piscator etiam
haberi voluit,

Et nemo pisces terrificando capit,

Præsertim si balenæ occurrant capiendæ, quæ
citius navi facessent periculum, occidiq; aptiores,
quàm ut in rete irritante remo compellantur. Sa-
tis Apostolico muneri respondisti Antistes zelosis-
sime, si Pastoris officium non Venatoris sit imple-
tum. Nec dum cornu inflaveras, ut dormitantes
exagitares lupos: Quanquam audiit nuper major
Polonia; Generalia Provinciæ Comitia audivere:
quale classicum in Canonica Tua epistola insonuit?
ut Hæresis à Legatorum dignitate, publicisq; Re-
gni negotiis arceretur: quod ipsum Consanguineis
Palatinatibus pæne solo persuasisti. Plura exequendi
tempus in tempestum oberat: ne dum lupum hunc
& alterum a dextro nemore persequi intenderes, à
fini.

*Fecit Soper-
torium taber-
naculi de pel-
libus arietum
Exod. 36.*

*Ecce Agnus
DEI Luc:*

*Cor Prasulis
post mortem
aridum sine
ulla sangui-
nis gutta re-
pertum.*

sinistro milleni in ovilis exitiū erumperēt: & Tu pru-
dentissimè prævideras erupturos. An non ille pariter
BONVS, quin Pastorum Optimus eminuit? qui unam
duntaxat erraticam ovem humero detulit, quamvis
foveas, & mapalia luporum non legatur excussisse.
Succensendumne & Cælesti Agricola? qui ob pe-
riculum tritici, incrementum etiam indulsit ziza-
niis, donec favorabili cælorum aspectu ad falcem
maturescerent, focoq; aptiora redderentur in ra-
dice arefacta. Sufficit Tibi ad præmium O Divis ad-
dite PRÆSVL? etiamsi ex solis nonnisi ovibus vi-
ctimas Numini dedicaveris. Augustissimus ille suf-
ficit Honori Tuo Thronus & ara, quamvis hanc
pellibus duntaxat bidentium ornaveris, quæ pom-
pa Divæ Majestati etiam suffecerat, non vulpium
aut luporum exuviis indueris. Obmutesce igitur
Livor garrule! **Biennio** non integro Posnaniense
Pedum gessit PRÆSVL *Opatissimus* ingentium
Moliminum (quæ noveram) initia satis erant, quæ
DEVS coronaret. Forte nec Baptistes diutius se-
se Prophetam in Jordane propinavit: nec suus
ille divinius Agnus Pastorem Baptistam longiori-
bus curis exhibuit, & tamen Magnus PASTOR
Baptistes, Propheta Magnus. Tempus Pontifi-
catus TARLONII, vix tempus extitit, quo ap-
paratus contra Hæreses bellicus congruè posset
colligi: unam duntaxat habuit æstatem integram,
in qua ædificando DEI Templo Fundamenta lo-
carentur, ne subita tumultuario opere surgeret fa-
brica, adeoq; non diuturna.

Cor ego illud immensi: capax cæli Palatium.

Cor: Augustum divinitatis Sacrarium:

Castissimæ sapientiæ musæum:

Apostolicæ fortitudinis Theatrum,

Cælestium Amorum Cælum.

Cor

Cor illud in æternum pignus Sacerrimæ Diæcesi
offero: *Aridum quidem, & exsangve:*

Vide excors Liquor!

Apostolica Ecclesiarum sollicitudo:
Erupturi Zeli flagrantissimus Ardor:
Pastoralium Curarum interclusa Pentecoste
Cor TARLONIUM absumpsere,
O Cor Theandrico simillimum
Et Christo confixum Cruci,

*Hasta latus reserat, nec sanguis, & unda remansit
Hic Cor Amor læsit, nec quoque gutta manet.*

*Unus Militæ
aperuit latus
ejus, exivit
sanguis &
unda. Luc:*

Amores igitur Præsulis Tui vide Augusta
Diæcesis! Si placet, cum Thoma in corde igni-
bus exhausto manu palpa: nihil sanguinis in illo
reservavit, quod in Tuarum purpuram genarum
non profuderit. Nemo pectoris illud cruentum si-
bi aut cruentatum arbitretur: tali sanguine quan-
doque ebulliit, quali aurora cruentat Cælum cum
radiis ortam diem vulnerat: & phenomenon istud
ad meridiem non perennat.

Abiit Antistes desideratissimus ex humanis

-- -- *O utinam Parcarum fila tenerem,
Extendamque colos, & tristia fata vetarem?*

Abiit ex humanis proximè, antequam tem-
pla & aræ mutent ornamenta. Verum Diæcesis
Sponsam obiisse nemo dubitet, & verum PRÆSV-
LEM: tota Ecclesia violaceo colore induitur, qua-
tenus Sponsam sese, extincto etiam Sponso, vi-
duamque Præsuleo dolore ictam per vestimentum
testaretur. O dolorum Adventum! O ferias feri-
entes! Concinet illa ardentissimum illud RORA-
TE & millies lacrymis irrorabitur: Tuque PRÆ-
SVL Optatissime vix aliud Tui reliquisti Deside-

*Ante Adven-
tum obiit, in
quo violaceum
colorem Eccle-
sia induunt.*

rium,quàm quod in limbo Diviniores Vmbras lace-
rabat, ut quem jam habent, restituant & Nubes
pluant Justum ad Ecclesiæ Tuo luctu sauciæ Re-
frigerium.

VULNUS PATRIÆ.

Cùm Generalia Regni Comitia Litvaniam, uni-
versamq; Poloniam in Varsaviensi urbe reti-
nerent:

(O sæva nimium, gravesque Parca!

Cūr plus ardua casibus rotatis?

Cur sæva vice magna non senescunt?)

*Erunt signa
in sole, luna,
stellis.*

ereptus est Regno Senator sapientissimus, ne quis
ambigat ad totius Reipublicæ damnum, & vulnus,
pertinere jacturam TANTI VIRI, & ruinam. To-
tum Poloniæ Cælum Fati Tui nox maculavit PRO-
CERVUM ILLVSTRISSE. Sensit Regni Sol
Tuam ingentem VMBRAM, tuâque morte expal-
luit Regalis purpura, patuitque Dolor Coronatus,
cum Throni Fulcrum cecidisses. Quid minora So-
le sidera in deliquio recenseam? MAGNE CINIS
in omnium Luminum, stellarumque omnium ocu-
los incidisti, ut ploreris ab omnibus, qui omnium
Lux, & Amor oculorum micuisti. O nubem! O di-
luvium palpebrarum! sic uberrimo censu illis dif-
fluunt, ut possit tristissima TARŁONIS Imago, so-
lis etiam depingi lacrymis, quas Purpuræ, & di-
scolor Civium Fortuna eliquat. Insalutato quidem
SERENISSIMO REGE, insalutata recessisti Rep:
& amicis; nempe in morte non humanus, quod
nulla superesset jam Humanitas, quam vivus Regi,
Patriæ, & amicis non exhibueris. Avara Mors fur-
to Gemmam Regni noctu sustulit: aliàs si palam
advenisset, universorum precibus, & victimis Nu-
men

*Sabita morte
noctu extin-
ctus.*

men flecteretur, patuissentque mille Curtii, qui
pro Tanto Capite proprium devovissent, & DEVS
ad acceptandum moveretur. •

Rebus vestris invigilate Summi Proceres :

Magnæ moles in æeris alta quiete ruunt :

Potentissimi Monocerotes, cum dormiunt capiuntur :

Cum sopitur mare, brevi post ab Euro

sus deque rapitur :

Cum in vagina formidandus decumbit Gladius,

rubigine exeditur :

Cum Cedrus jacuit, jam vixit,

nec amplius revirescet.

*Heu miseri ! quibus, unde dies suprema, quis ævi
Exitus, incertum est : quibus instat fulmen ab astris,
Et nubes fera fata tegit.*

Expedit Sarcinas tempestive colligi : Sæpe
non per internuntios DEVS evocat ; nec authori-
tas meretur moram, quin statim exeas. Supremum
Iudicem magni exhorrescite ! etiam cum citat, rapit :
& cum potentissimus est Reus insperato compre-
henditur : noctu ad curiam deducitur. Sed hæc aliis.

Tu non imparatus ad tubam miles pro-
cessisti PRÆSVLVM Sacerrime : imò non ad tu-
bam, sed ad stipendium certus præmii ex tentorio
miles abiisti, poteras non monitus abiisse. Quan-
quam Vatem Te Tui fati meminimus : pro dolor ?
nigras opiniones elidere sœvimus : etiam testes fu-
turi mali lacrymas averso vultu risimus : sed heu !
ne collacrymaremur vivo, ad hoc exitium integra
oculorum eluvies servabatur. Vltimas confecisti
tabulas, cum Viator ires Varsaviam, illic futurus
Comprehenfor : remisisti easdem, ac si nunquam
rediturus Posnaniam : vespere proximo Tui Codi-
cilli Præsidem compellasti, & osculatus es : igitur
subita

*Subita sed
non improvisa
morte subla-
tus.*

*Obfigillari
jusserat supel-
lectilem.*

*Dormiens
extinguitur.*

subita mors, quia jūctâ jâ rhedâ & obfigillata supellectile paratum reperit, ad discedendum compulit. Quid si non in longinquam Regionem Te iter suscepisse asseruero? assueveras jam pridem cælo: Familiari consortio, Divis pænè domesticus: præviis ergo apparatibus & longis, brevè iter & in propriam, ac vicinam Domum, & ad familiares amicos non indiguit. Quid si Filius ad Patrem vocabaris? Subitò obediens citrà morosæ pompæ molimina paruisti: tunc acceptissimus DEO Samuel, cū vel seminudus ex lecto ad vocem Domini promptissimus. Denique maturum concuti non debet pomum, ultro cadit. Dormientem Antistitem nostrum Mors occupavit, quia hæc terribilium omnium terribilissimum creditur & sentitur: ut impavidus ad superos pergeret, Larvam illam cæterosq; hostes non vidit, cū dormivit. Amorem Lethi condivit dulcis sopor: Angelorumq; manibus ferri debuit Magnus ille Satrapa, dum sopitus ceu ad propria deportatus: requie certiùs æterna fruiturus, quam homo quietissimus, & nusquam turbidus in lectulo inchoavit. Non ille modo pallidus, non febris maculosus, non tabo lividus, integrâ oris purpurâ; servata frontis Majestate, superstite corporis formâ, immortalitatem superinduit, quia rectâ à Regni Comitibus ad Divorum ivit Concilium seipso ornatissimus. Nec multas illic corporis gloriosi dotes exiger, quia secum integras detulit. Suscepere hunc læti Cælites: D. Petrus clientem Petrum ex non mutato per febres agnovit vultu, & valvas aperuit: Subitum florem adeòque gratiorem osculati sunt cives ætherei: Tuque jam Antistes Sacerrime magnam Tuam Beatitudinem vix comprehendis, quæ momentò accidit: mirarisq; Te & stupes tam inopinatò Beatissimum: nos gravius

vius dolemus, contra vota & spes amissum maximas. Equidem si ægrotâsses, si genuisses, si langvore decubuisses; ægrotâsses Tecum Patria uno Tecum langvore laborâssent Amici, aggemuissent consanguinei Principes, per partesque divisus Dolor paulatim cresceret, & sensim læderet; nunc Totus effractâ veluti portâ in singulos violentus irruit, pænè opprimit. Sed

*Quid juvat immites Parcas urgere querelis?
Irrevocanda nequit flens revocare mala.*

Satis vixisti Patriæ SENATOR Excellentissime : ex Tui fati loco patuit : Dignus eras ut Tota Resp: Funus Tuum efferret humero, ut Patris Patriæ, universi Ordinum Status, ut Magno Libertatis STATORI parentarent : Polonia & Litvania ut proprio & universali Reipublicæ Parocho iusta solveret.

Tempore Generalium Camerarum extinguitur Varsavia.

V U L N U S EXCELLENTISSIMÆ TARŁONUM FAMILIÆ.

AUGUSTISSIMAM DOMUS VESTRÆ FRONTEM mors rapuit CELSISSIMI PRINCIPES, REVERENDISSIMI PRÆSULES, ILLUSTRISSIMI PALATINI, EXCELLENTISSIMI REIP: MINISTRI, PERILLUSTRES CAPITANEI & tam Curiae, quàm Palatinatum Provinciarumque Summi PROCERES. Non citat vos ad luctum nominatim funebris pagina, ne recentem plagam pungat calamus & dolorem geminet: Vix etiam

am in tanta mæroris nocte tristis Orator potest discernere, cùm omnes demissa in vultus caligo abscondat, & niger situs non discriminet. In laudes etiam amissi tanti Viri non abeo, ne immanitatem Vestri damni exaggerem, & ingratus obstrepam: equidem

*Cùm jam egomet cantus, & verba medentia serus
Consero, vos planctas, lamentaque fortia vultis,
Odistsque chelim, surdaque receditis aure.*

*Sub tempus
vacantium
Insularum
moritur.*

Auxerat ille honoribus gestis Antiquissimam inter Principes Familias Familiam, auxisset luculentius, sed maturus Cælesti præmio, expectare Majores Infulas noluit, qui jam meruerat apud cælites felicius coronari. Optabant quidem istud Caput suspensæ ad interim Tyaræ: apprecabamur singuli, futuras jurabamus, nemo nisi male invidus dandas non sperabat. Licet autem majora alii jactare possunt merita, ego non diffiteor: At si REX SERENISSIME totam interroges Remp. exquiras Provinciarum sententiam: Universæ Nobilitatis vota suscipias: Urbium, Pagorumque audias suspiria, uno omnium suffragio communique Gentium consensu PETRUS TARLO Regiæ beneficentiæ gratiam merebatur. Jam Majestatem Vestram REGVM Potentissime, Cinis hic absolvit curâ, liberat discrimine, pro collarisque fascibus æternitatem nunc obligat, & ut alios magis throno obliges, ultro ab ambitu recedit concurrentium Insularum, sufficientissimè Cælo Candidatus.

Fortè quidem TARLONIÆ Domui non sufficit Posnaniensi duntaxat vittâ TARLONEM coronatum expressisse: Decreta Numinum adorete Magni Proceres, favorem suspicite: Divus Reverendissimi Capituli PETRVS, homonymum suum PE-

*Stemma Rev:
Capituli Po-
snaniensis
D. Petrus.*

PETRV M sic adamavit, ut potius ad Cælos illum, quàm ad aliam Diæcesim transferri maluerit. Vos quoque REVERENDISSIMI DIÆCESIS INTER-REGES, affectum amabilissimi PRÆSULIS intelligite: mutare Pedum noluit, ut *Æternus Vestri Senatus Rex: æternum Ingentium Membrorum Caput: æternus Poseniensis Cleri & Majoris Poloniae Amor haberetur.*

Sed ad leniendos propero, quos gravius Propriæ Ascix ictus perculit Fratres PRÆSVLIS Illustrissimos Joannem & Michàelem Palatinidas Smolenscenses: quia mulcere verum, est irritare dolorem: *Credite*

*Vobis Diva Bipennis
Rapta est æthereas ædificare Domos.*

Per Illustrissimam OPALENIORUM Cōsangvinitatem
PRÆSVL Clementissime

*Jam Tua securos portus, blandamque quietem
Intravit non quassa Ratis, sic perge: nec unquam
Fatales hanc in puppem demitte procellas.*

*Illustr: Opale-
nia Domus
Steina Napis.*

Vniverfos, quorum profundior in alto Sanguine Dolor est, & fibras intimius penetrat, universos, (inquam) Casus soletur iste: TARLO VESTER in CÆLVM cecidit: nec clausum reperire poterat, quia Gigantæa Vestra Ascia in referati signum Cæli, Lunam pro æterno fert spolio & mercede.

V U L N U S S O C I E T A T I S J E S U.

*Magnis splendoribus optat
Misceri scintilla minor*

quæ Tuis Magne PRÆSVL Cineribus æternam Ignatii flammam confer-
vabit.

vabit. Natum Gloriæ nostrisque adorandum obsequiis, laboribus coronandum, elogiis celebrandum amissimus Pontificem

*Hoc mandante vel Indos,
Japponaque extremum, Bagadosq, Chitosq, recessus
Lata Cohors pæceret, fera per discrimina nutus
Expletura Petri, modò testatura periclis
Quam tacito clausit, retinetq, in pectore flammam.*

Posnaniense Athenæum VIRVM hunc enutrit: Magni de numero Prophetarum Patres futurum in Iuvæne venerabantur Karnkovium, talemque herba spem porrigebat, sed quia ad messem Honorum non pervenit, in Cæli rejicimus inclementiam, non in sementis genium. Collegium Romanum fecerat omnibus literis expolitum Præsullem: horum ille,

*Laudavit quos Roma Viros prægressus honores
Magnarum Juvenis retulit primordia laudum.*

O si PATRIA audisset in Senatu Consultantem! Vix aliqua Tanti Senatoris animum arena explicuit, vix Divinos mentis recessus perimens Regni negotium aperuit, & mors clausit.

Ingenium illi
Acre & subitum;
Mite & profundum;
Illime & celerrimum:
In distans oculatum,
Et futuris proximum:
Non langvidum sed mansuetum:
Non rebus novandis idoneum,
Sed conservandis efficax:
Non turbidum sed quietum.

7
Diu Senatus illi defuit, non ille Senatui:
Habuit Resp. aures ut audiret:
Ille Os aureum quod loqueretur:
Sola longo tempore Cathedra defuit
Vnde foret perorandum.

Infinita sunt quæ Societas IESV in Te palpa-
vit admiranda PRÆSVLVM Maxime. Labor
sæculorum opus est ut in Viri per sæcula deside-
randi sudet encomium. *Umbra* hanc *Illustrem* pa-
tere. Divisq; Religionum addite Patriarchis Pa-
radisum Tuum posside, ac Varsovienses aras oc-
cupa, quas Tua manu, potiùsque Virtutibus con-
secrasti. Demum credito:

Tutori Pupilla:
Benefactori Alumna
Patri Orphana
Amico Ancilla
Societas I E S V

perpetuis litabit victimis, & vel ob Tui etiam fati
memoriam, nunquam pullam vestem
exuet.



The following is a list of the
 names of the persons who
 have been appointed to the
 various offices of the
 University of Vienna, for the
 year 1851.

The following is a list of the
 names of the persons who
 have been appointed to the
 various offices of the
 University of Vienna, for the
 year 1851.



The following is a list of the
 names of the persons who
 have been appointed to the
 various offices of the
 University of Vienna, for the
 year 1851.

Biblioteka Jagiellońska



stdr0021946

